

大清道光癸巳年

第九卷

王
鍼灸大成

宗德書院
珍藏版

謙吉堂置

出

鍼灸大成卷之九

治症總要

東垣針法

名醫治法

針邪秘要

捷要灸法

取四花穴法

騎竹馬灸法

灸勞穴心氣法

灸痔漏血法

灸腸風下血法

灸結胸傷寒法

蒸臍治病法

千金灸法

寶鑑發灸法

艾灸補瀉

貼洗灸瘡法

灸後調攝法

附楊氏醫案

治症總要

一論中風但未中風時一兩月前或三四箇月前不時足脛上發痠重麻良久方解此將中風之候也便宜急灸三里絕骨四處各三壯後用生葱薄荷桃柳葉四味煎湯淋洗灸令祛逐風氣自瘡口出如春交夏時夏交秋時俱宜灸常令二足有灸瘡爲妙但人不信此法飲食不節色酒過度卒忽中風可於七處一齊俱灸各三壯偏左灸右偏右灸左百會耳前穴也

第一陽症中風不語手足癱瘓者

合谷 肩髃 手三里 百會 肩井 風市

環跳

足三里

委中

陽陵泉

先針無病手足
後針有病手足

第二陰症中風半身不遂拘急手足拘攣此是陰症也亦依治之但先補後瀉。

第三中暑不省人事

人中

合谷

內庭

百會

中極

氣海

問曰中暑當六七月間有此症或八九月十月亦有此症從何而得荅曰此症非一醫者不省當以六七月有之如何八九十月亦有之皆因先感暑氣流入脾胃之中串入經絡灌溉相併或因怒氣觸動或因過飲恣慾傷體或外感風至八九月方發乃難治也六七月受病淺風疾未盛

氣血未竭。體氣未衰。此爲易治。復刺後穴。

中衝 行間 曲池 少澤

第四中風不省人事

人中 中衝 合谷

問曰。此病如何而來。已上穴法。針之不效。奈何。荅曰。針力不到。補瀉不明。氣血錯亂。或去針速。故不效也。前穴未效。復刺後穴。

啞門 大敦

第五中風口禁不開

頰車 人中 百會 承漿 合谷 俱宜瀉

問曰此症前穴不效何也答曰此皆風痰灌注氣血錯亂陰陽不升降致有此病復刺後穴

廉泉 人中

第六半身不遂中風

絕骨 崑崙 合谷 肩髃 曲池 手三里

足三里

問曰此症針後再發何也答曰針不知分寸補瀉不明不分虛實其症再發再針前穴復刺後穴

肩井 上廉 委中

第七口眼喎斜中風

地倉 頰車 人中 合谷

問曰此症用前穴針效一月或半月復發何也答曰必是不禁房勞不節飲食復刺後穴無不效也

聽會 承漿 翳風

第八中風左癱右瘓

三里 陽谿 合谷 中渚 陽輔 崑崙 行間

問曰數穴針之不效何也答曰風痰灌注經絡血氣相搏

受風寒濕氣入內凝滯不散故刺不效復刺後穴

先針無病

有足後針

風手足

丘虛 陽陵泉

第九正頭大痛及腦頂痛

百會 合谷 上星

問曰此症針後一日二日再發甚於前何也答曰諸陽聚會頭上合用先補後瀉宜補多瀉少其病再發愈重如前法宜瀉之無不效也復針後穴真頭痛且發夕死夕發旦死醫者當用心救治如不然則難治 神庭 太陽

第十偏正頭風

風池 合谷 絲竹空

問曰已上穴法刺如不效何也答曰亦有痰飲停滯胸膈賊風串入腦戶偏正頭風發來連臂內痛或手足沉冷久

而不治變爲癱瘓亦分陰陽針之或針力不到未效可刺中脘以疎其下疾次針三里瀉去其風復針前穴

中脘 三里 解谿

第十一頭風目眩

解谿 豐隆

問曰此症刺效復發何也答曰此乃房事過多醉飽不避風寒而臥賊風串入經絡冷症再發復針後穴

風池 上星 三里

第十二頭風頂痛

會 後頂 合谷

問曰頭頂痛針入不效者再有何穴可治荅曰頭頂痛乃陰陽不分風邪串入腦戶刺故不效也先取其痰次取其風自然有效

中脘 三里 風池 合谷

第十三醉頭風

攢竹 印堂 三里

問曰此症前穴針之不效何也荅曰此症有痰飲停於胃脘口吐清涎眩暈或三日五日不省人事不進飲食名曰醉頭風先去其氣化痰調胃進食然後去其風痛也

中脘 中脘 三里 風門

第十四目生翳膜

清明 合谷 四白

問曰。已上穴法刺之不效何也。荅曰。此症受病既深。未可一時便愈。須是二三次針之。方可有效。復刺後穴。

太陽 光明 大骨空 小骨空

第十五迎風冷淚

攢竹 大骨空 小骨空

問曰。此症緣何而得。荅曰。醉酒當風。或暴赤。或痛。不忌房事。恣意好食。燒煎內物。婦人多因產後不識迴避。當風坐視。賊風串入眼目中。或經事交感。穢氣衝上頭目。亦成此。

症復刺後穴

小空骨

治男婦醉後當風

三陰交

治婦人交感症

淚孔上

米大艾灸七壯效

中指半指尖

米大艾灸三壯

第十六目生內障

童子髻

合谷

臨泣

睛明

問曰此症從何而得此數穴針之不效何也荅曰怒氣傷肝血不就舍腎水枯竭氣血耗散臨患之時不能節約恣意房事用心過多故得此症亦難治療復刺後穴

光明

天府

風池

第十七目患外障

小空骨 太陽 睛明 合谷

問曰。此症緣何而得。荅曰。頭風灌注瞳人。血氣湧溢上盛下虛。故有此病。刺前不效。復刺後穴二三次。方愈。

臨泣 攢竹 三里 內背尖

灸五壯。卽
眼頭尖上。

第十八風沿眼紅澁爛

睛明 四白 合谷 臨泣 二間

問曰。針之不效。何也。荅曰。醉飽行房。血氣凝滯。痒而不散。用手揩摸。賊風乘時串入。故得此症。刺前不效。復刺後穴。

三里 光明

第十九眼赤暴痛

合谷

三里

太陽

睛明

問曰。此症從何而得。荅曰。時氣所作。血氣壅滯。當風睡臥。饑飽勞役。故得此症。復刺後穴。

太陽

攢竹

絲竹空

第二十眼紅腫痛。

睛明

合谷

四白

臨泣

問曰。此症從何而得。荅曰。皆因腎水受虧。心火上炎。肝不能制。心肝二血不能歸元。血氣上壅。灌注瞳人。赤脉貫睛。故不散復刺後穴。

太谿

腎俞

行間

勞宮

第二十一 努肉侵睛

風池 睛明 合谷 太陽

問曰。此症從何而得。荅曰。或因傷寒未解。却有房室之事。上盛下虛。氣血上壅。或頭風不早治。血貫瞳人。或暴下赤痛。或因氣傷肝。心火炎上。故不散也。及婦人產後。怨氣所傷。產後未滿。房事觸動。心肝二經。飲食不節。饑飽醉勞。皆有此症。非一時便可治療。漸而爲之。無不效也。復針後穴。

風池 期門 行間 太陽

第二十二 怕日羞明

小骨空 合谷 攢竹 二間